

**TILSKIPUN EVRÓPUÞINGSINS OG RÁÐSINS 97/60/EB****frá 27. október 1997****um þriðju breytingu á tilskipun 88/344/EBE um samræmingu laga aðildarríkjanna varðandi leysiefni sem notuð eru við framleiðslu matvæla og efnispátta sem notaðir eru við matvælavinnslu(\*)**

með hliðsjón af stofnsáttmála Evrópubandalagsins, einkum 100. gr. a,

með hliðsjón af tillögu framkvæmdastjórnarinnar (1),

með hliðsjón af álitum efnahags- og félagsmálanefndarinnar (2),

í samræmi við málsmeðferðina sem mælt er fyrir um í 189. gr. b í sáttmálanum (3),

*og að teknu tilliti til eftirfarandi:*

Vísindanefndin um matvæli hefur rannsakað aftur öll útdráttarleysiefnin, sem eru skráð í tilskipun 88/344/EBE (4), með það fyrir augum að fastsetja endanlegar tölur í stað leyfilegra dagskammta (ADI) sem voru ákveðin til bráðabirgða árið 1981. Þetta hefur ekki alltaf verið hægt vegna þess að nauðsynlegar upplýsingar hafa ekki fengist frá iðnaðinum þótt um þær hafi verið beðið. Á grundvelli þeirra upplýsinga, sem hafa borist, hefur vísindanefndin um matvæli getað staðfest samþykki sitt fyrir flestum leysiefnunum. Hægt er að minnka hámarks magn leifa leysiefnanna í tilteknum matvælum.

Sum leysiefni eru ekki notuð lengur og því er rétt að taka þau úr skránni.

Vegna framfara í vísindum hafa önnur efni verið þróuð sem bæta má við í tilskipuninni. Rétt er að veita leyfi fyrir nýju leysiefni sem vísindanefndin hefur tekið jákvæða afstöðu til.

Þetta nýja leysiefni, 1, 1, 1, 2-tetraflúoretan, er eingöngu notað til að draga út bragðefni; og fara leifar þess í matvælum ekki yfir 0,02 mg/kg. Að þessum leifum frátöldum er leysiefnið að fullu endurunnið svo að notkun þess við þessar aðstæður hefur engin áhrif til hækkunar á lofthita jarðar.

Þær breytingar sem nauðsynlegt er að gera, vegna framfara í tækni og vísindum, eru ráðstafanir tæknilegs eðlis. Til að einfalda og hraða meðferðinni er rétt að vísa samþykkt þessara ráðstafana til framkvæmdastjórnarinnar.

Meðferð af þessu tagi flýtir fyrir markaðssetningu nýjunga sem er til hagsbóta bæði fyrir iðnaðinn og neytendur.

(\*) Þessi EB-gerð, sem birtist í Stjtið. EB L 331, 3.12.1997, bls. 7, var nefnd í ákvörðun sameiginlegu EES-nefndarinnar nr. 106/98 frá 27. nóvember 1998 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB C 278, 24. 9. 1996, bls. 25.

(2) Stjtið. EB C 66, 3. 3. 1997, bls. 3.

(3) Álit Evrópuþingsins frá 23. október 1996. (Stjtið. EB C 347, 18. 11. 1996, bls. 58), sameiginleg afstaða ráðsins frá 24. mars 1997 (Stjtið. EB C 157, 24. 5. 1997, bls. 4) og ákvörðun Evrópuþingsins frá 15. júlí 1997 (Stjtið. EB C 286, 22. 9. 1997, bls. 29). Ákvörðun ráðsins frá 7. október 1997.

(4) Stjtið. EB L 157, 24. 6. 1988, bls. 28. Tilskipuninni var síðast breytt með tilskipun Evrópuþingsins og ráðsins 94/52/EB (Stjtið. EB L 331, 21. 12. 1994, bls. 10).

## SAMÞYKKT TILSKIPUN ÞESSA:

## 1. gr.

Eftirfarandi breytingar eru hér með gerðar á tilskipun 88/344/EBE:

## 1) Eftirfarandi lið er bætt við 4. gr.:

- „a) nauðsynlegar breytingar á viðaukanum í ljósi vísinda- og tækniframfara að því er varðar leysiefni, notkunarskilyrði þeirra og hámarks magn leifa;“.

Liðirnir sem voru áður a-, b- og c-liður verða b-, c- og d-liður.

## 2) Viðaukanum er breytt sem hér segir:

## a) I. HLUTI

Efnið „Bútýlasetat“ falli niður.

## b) II. HLUTI

Færslunni fyrir „hexan“ er breytt sem hér segir:

„Heiti	Notkunarskilyrði (stutt lýsing á útdrættinum)	Hámarks magn leifa í matvælum eða efnisþáttum þeirra, fengnum með útdrætti
Hexan (*) (*)	Framleiðsla eða þáttun á fitu og olíum og framleiðsla á kakósmjöri	1 mg/kg í fitunni, olíunni eða kakósmjörinu
	Tilreiðsla á fituskertum prótínafurðum og fituskertu mjöli	10 mg/kg í matvælunum sem innihalda fituskertar prótínafurðir og fituskert mjöl  30 mg/kg í fituskertum sojavörum eins og þær eru seldar til neytenda
	Tilreiðsla á fituskertum kornspírum	5 mg/kg í fituskertum kornspírum.“

(\*) Texti neðanmálgreinar (\*) helst óbreyttur.

## c) III. HLUTI

- Efnið „Metýl-1-própanól“ falli niður.
- Eftirfarandi efni bættist við:

„Heiti	Hámarks magn leifa í matvælum sem rekja má til notkunar útdrattarleysiefna við tilreiðslu á bragðefnum úr náttúrulegum bragðgefandi efnum
1,1,1,2-tetraflúoretan	0,02 mg/kg“

## 2. gr.

## 1. Aðildarríkin skulu breyta lögum sínum og stjórnsýslufyrirmælum þannig að:

- viðskipti með afurðir sem eru í samræmi við ákvæði tilskipunar 88/344/EBE, eins og henni er breytt með þessari tilskipun, séu heimilud eigi síðar en 27. október 1998,

- viðskipti með afurðir sem eru í ósamræmi við ákvæði tilskipunar 88/344/EBE, eins og henni er breytt með þessari tilskipun, séu bönnuð frá 27. apríl 1999. Afurðir sem hafa verið settar á markað eða merktar fyrir þann dag og eru ekki í samræmi við tilskipun 88/344/EBE, eins og henni er breytt með þessari tilskipun, mega þó vera á markaði þar til birgðir eru uppnar.

Þau skulu tilkynna framkvæmdastjórninni það þegar í stað.

2. Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

4. gr.

Tilskipun þessari er beint til aðildarríkjanna.

Gjört í Brussel 27. október 1997.

*Fyrir hönd Evrópuþingsins,*

J.M GIL-ROBLES

*forseti.*

*Fyrir hönd ráðsins,*

R. GOEBBELS

*forseti.*